



**Politička organizacija građana "Naša stranka"**  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

**Sanela Klarić**

Zastupnica u Skupštini Kantona Sarajevo  
Sarajevo, 03.10.2023.

**Dostaviti:**

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r Predsjedavajući g. Elvedin Okerić

Uputiti:

Vlada Kantona Sarajevo  
Ministarstvo komunalne privrede, infrastrukture, prostornog uređenja, građenja i okoliša  
Kantonalni stambeni fonda Sarajevo  
Fonda Kantona Sarajevo za izgradnju stanova za članove porodica šehida i poginulih boraca,  
ratne vojne invalide, demobilizirane borce i prognane osobe

## **PREDMET: ZASTUPNIČKA INICIJATIVA**

Poštovani, na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), Vladi Kantona Sarajevo, odnosno gore navedenom ministarstvu i fondovima, upućujem zastupničku inicijativu kojom tražim da svoje aktivnosti izgradnje stambenih objekata, za početak jedan pilot objekat, prilagode poslednjim standardima zelene gradnje EU kako slijedi :

- **Da mjere energetske efikasnosti budu u službi zaštite okoliša, lokalne ekonomije, zdravlja ljudi te zelenih politika EU;**
- **Pored mjera ugradnje termoizolacije na fasadama i zamjene prozora, odnosno radova na vanjskoj omotnici objekta, obaveznim uvede mjere zamjene sistema grijanja prilagođenom novim EE karakteristikama objekta iz obnovljivih izvora energije;**
- **Uvede obavezne mjere prečišćavanja zraka posebno ako su u pitanju obrazovni i zdravstveni objekti;**
- **Uvede obaveznu mjeru proizvodnje električne energije iz obnovljivih izvora energije za potrebe objekta;**
- **Uvede obaveznu mjeru upravljanja otpadom uz minimalno 50% recikliranja ili ponovnog korištenja građevinskog otpada;**
- **Uvede zelene javne nabavke preko kojih će se obezbijediti podrška lokalnoj ekonomiji uz smanjenje primarne energije i dekarbonizacije;**
- **Uvede obavezan monitoring troškova nakon završetka svih radova;**
- **Uvede obavezu certificiranja objekata;**
- **Radi na jačanju kapaciteta i planiraju usvajanje mjera zelenog certificiranja**


## OBRAZLOŽENJE:

Kanton Sarajevo provodi projekat dekarbonizacije 100 Net Zero što Vladu KS, ministarstva i javne institucije obavezuje da se što prije prilagode zahtjevima Zelene agende i Sofijske deklaracije usvojene u novembru 2022. godine. Trenutne prakse građenja i mjere EE u KS nisu usklađene sa Zelenim akcionim planom KS GCAP i pomenutim projektom 100 Net Zero gradova kao i drugim strateškim planovima održivog razvoja. Također trenutne prakse su jako daleko od praksi EU i novih direktiva koje zahtjevaju "skoro energetske neovisne objekte" (nearly zero energy buildings – NZEB).

Trenutnim praksama građenja m pomažemo tuđe ekonomije, a trebamo se okrenuti zelenim javnim nabavkama i cirkularnoj ekonomiji i maksimalno podržati lokalne proizvode, materijale i servise. Takođe pošto su najčešći korisnici stambenog fonda mladi ljudi neophodno je posvetiti posebnu pažnju poboljšanju kvalitete života, zaštite zdravlja i stvaranja ušteda troškova stanovanja što možemo obezbjediti predloženim mjerama. Također, ne postoji registar, prakse monitoringa niti se izdaju certifikati pa nemamo podatke o uštedama što je jako važno za motivacije budućih investicija koje bi bile u skladu sa savremenim zelenim praksama koje su predložene u ovoj inicijativi.

Puno je razloga da trebamo unaprijediti prakse projekata izgradnje stambenih objekata i energetske efikasnosti. Kanton Sarajevo mora postati odgovorniji u investiranju u ove važne projekte a sve to može biti ubrzano usvajanjem i provođenjem mjera koje su predložene u ovoj inicijativi kroz pilot projekte navedenih fondova.

S poštovanjem



Sanela Klarić